

Ууртан бүтэд өцклдүр...

Ууртан бүтэд өцклдүр
Улү үг келләв,
Ганцхн иньг, чамаган
Гашутагъар айстан гундалав.
Энүгән дарунь меддж
Эврән бийән гемшәләв.
Саналдсн бәәдличн үздж
Седклдән харм төрләв.
Бул төрхин өмн
Байсдж келсн үгмүдм,

Цевр багъин джилмүдм,
Цуглрдж чикндм донъгъдв,
Өөлсн чини хәләц
Өрчим зовадж чингдв.
Итксн иньг чамасн
Ичрән әльд бултулхв?
Дакнас ода ягъдж
Дуран чамдан үзүлхв?

Элст, 1937 дж.